

+H

corpus: ReF.MLU

language-area: mittelbairisch

language-region: ostoberdeutsch

language-type: oberdeutsch

genre: P

medium: Druck

time: 15,2

reference: Seite, Zeile

corpus-sigle: F029, III-Ab-P2,D

text: Practica

text-author: Engel, Johannes

text-type: RE Realientexte/Wissenschaftstexte (Astrologie/Astronomie)

assignment_quality: Z1

hoffmann_wetter_nr: -

library: -

library-shelfmark: 4 Inc.c.a.1290 m

date: 1496

place: -

text-place: -

printer: -

edition: keine

size: -

language: fnhd

literature: -

notes-transcription: - eingetragene Lagenzählung; nicht transkribiert; - keine Blatt- oder Seitenzählung; außer auf Titelblatt (hier 001r) 28. in der oberen rechten Ecke; - hier Seitenzählung angenommen; - \$z, ß, \$_z: \$ und z zwar nah zusammen, hier aber als \$z und nicht als Ligatur oder ß umgesetzt

abbr_ddd: EngPra

extent: FnhdC: -; compl: (001r)01,01 - 15,33

extent-size: FnhdC: -; compl: 4.342 WF

@H

F029-000,01 Practica Magistri Johannis Engel zu Ingelstar . DJse Practica geteilt wirt in zwey teil . Ven der erste teyl wirt geteilt in . vij . Capitel . Als man dan pey ydem capitel sein überschrifft stet wo
 F029-000,02 von es sagen wirt Als man hernach vindet in dem ersten capitel Von den zweyen Vinster
 F029-001,01 nussen Der Sunnen vnd des monds Vnd was die vini
 F029-001,02 sternussen bedeüten werden . Die Vinsternusz des Monds Mitwoch nach Anthonij . Nachmittag stund minut Anfang iij liij Am groesten vj xl Das Endt viij xxvj Gantz werung iij . xxxij So dyse gantze vinsternus dess monds in dem zeichen Leo wirdt sein nach dem neündten himel . Ab/
 F029-001,03 er nach den achten himel vnter dem pild dess krebs der mon wirt sein das dan ein wesserig pild ist Dadurch dann die thier des wassers schaden nemen vnd theür werden Auch das wasser der brunnen dadurch gemindert mag werden dz saltz vnd das theür machen . Vinsternus der Sunen ein virtel Am sampstag nach Jacbi . Nachmittag . stund minut Anfang ij xxvij Am groesten iij liij Das Endt iij xl Gantz werung j xij So dise vinsternus in den zeichen leo wirt sein das dan der sunnen hausz ist vnd ein zeichen der kunig vnd fürsten vnd die sun yr bedeüter ist vnd in den achten hausz dess hymels wirt sein dess todes Dadurch dan zu besorgen ist das sy etlichen fürsten toetliche krankheit zu füg Vorausz den dy yr geburt darzu vrsach haben . Das ander Capitel Von den beweglichen festen Vnd von den einflus vnd neigung der himlischen nach den Syben planeten in die yrdischen Als man zalt nach Cristi geburt . M . CCCC . XCvij . Jare Wirt ein übertreflich iar darynnen . xij . mond erscheinen werden Jst der Suntagbuchstab darynnen . A . Gülde zal xvj . darausz man hat das von dem Weinachttag pysz auff herren fastnacht sein . vj . wochen gleich Von lichtmesz piz auf die rechten fastnacht . v . tag . Alleluia niderlag Suntag nach Sebastiani . Der weis suntag Suntag nach Scolastice . Ostertag Suntag nach verkundung marie . Pfingstag Sun/
 F029-001,04 tag nach Seruacij . Das AduentSuntag nach Andree Von dem vorgang dyser practica Ausz dem grund vnd einflus vnd neigung der himlischen nach den Syben planeten in die yrdischen Nit das sy vns noet
 F029-001,05 ten soelche neigung zu verbringen als etlich mainen Suonder die vernuff des menschen herschen sol vber den einflus des himels Des dan wol erkant hat der küniklicher Astronimus Ptholomeus wann der einflus des himels in die sele dess menschen nit würcken kan Sunder in den leib dem dan die sel zu zeiten nach volgen ist Darümb einer soelche bosze ney

- F029-001,06 gung verbringen ist vnd nit darzu genoet Darumb gut ist ze wissen solche boese neygunge das wir ir dester pas widersten mügen Wan einer minder geletzt wirt von einen bekanten feindt dan von einem vnbekanten Also so wir wissen soelche poese neygunge des himels mügen wir der dester bas widersten zu lob gotes vnd seiner lieben muter marie . Ven zu guten ge
- F029-001,07 rücht der loeblichen vniuersitet Ingelstat vnd den gemeinen volck zu nutz Jch mgren engel die hilf gottes an rüf den fürsatz ze enden Das iij . Capitel von den stand der geistlichen vnd alten . Saturnus dysz iar in den zeichen desz widers wirt sein in sei
- F029-001,08 nen val darynen er nit starck wirt sein vnd nit fast schedlich den yrdischen Doch nach dem achteten himel er in den zeichen visch noch wirt sein daryn er schedlich ist allen thieren desz wassers als die visch wirt er teüer machen vnd zu besorgen des wasser der brunen zu minderen dadurch das saltz tewer mag werden Als dan vormalis auch geschehen ist do der sa
- F029-001,09 turnus was in den zeichen scorpio dz auch ein wasserig zeich
- F029-001,10 en ist Wan er alweg den element schedlich ist des dz zeichen na
- F029-001,11 tur hat darynnen er ist . als in den vergangen iaren der pestilentz do er den lufft vergiffet als er dan in einen lüftigen zeichen war . auch nach den achteten himel darynnen soelch pilder stend als dy visch des viij . himels an maisten sten in den zeichen wider dess neüntes himels darynnen dan yetz saturnus ist vnd erst hinfür auf dz kunfftig iar in dz pild des widers kumpt darinnen er schedlich wirt sein allen thieren vnter den wider begriffen . da
- F029-001,12 von künfftig gesagt wirt Vnd so Saturnus disz iar in seinen vall vil poeser aspect mit marte vnd mercurio wirt haben als in dem mertzen pey mercurio vnd vnter der sunnen verbrenet Jm monet des aprillen mit marte Jn den brachmon mit mer
- F029-001,13 curio Vnd heümon mit marte Auch im herbst vnd im wein
- F029-001,14 mond mit mercurio wirt er schedlich werde den alten leüten den geistlichen verschlossen in den cloestern . Auch allen die mit grober arbeit vm gen wirt er vil widerwertigkeit vnd schwer krankheit zu fügen Doch so er schier das gantz iar einen guten aspect wirt haben mit dem guten planeten Jupiter . wirt sein poeser einfluss dadurch gemindert . Das iiij Capitel von Prelaten vnd Reten Jupiter ein gütiger planet disz iars in den zeichen schütz sei
- F029-001,15 nen hausz nach dem neüntes himel wirt sein Daryn er fast starck ist mit seinem milten einfluss die menschen neigen wirt zu gerechtigkeit und geistlichkeit Aber nach dem achteten himel in dem pild scorpio wirt sein darynnen stern synd der natur martis vnd saturni Darzu in den hornung pey marte . wirt sein Dadurch er dan schedlich wirt sein den geistlichen per
- F029-001,16 laten Auch den reten vnd richtern der fürsten vil widerwer
- F029-001,17 tigkeit vnd etlichen toetliche krankheit zu fügen Vorausz den die ausz yrer gepurt vrsach darzu haben Ven des Herlicher ze wissen mugen sy das erfaren von anderen astrologis die yn den direction vnd profection wol erfaren synd Dadurch man mag wissen gelückseligkeit vnd vnglückseligkeit Auch grosz schwer Krankheit dazu einer geneigt ist auf ein iar Den einer so er dz waisz mit gutem regiment vnd ertzney wol wi
- F029-001,18 dersten mag Darein ein ander felt so im soelch vrsach vnbe
- F029-001,19 kant sein Darumb neür den soelcher poeszer einflussz sehede
- F029-001,20 lich wirt sein dy ein suolche vrsach ausz yrer gepurt haben vnd nit die anderen . Das v . capitel von Ritteren vnd kriegsleüten Mars ein poeser planet vnd wiewol er fast beweglich ist von einen zeichen in das ander Beleibt er doch disz iarsz bey . vj monet in den zeichen steinbockseiner erhoeung darin er fast starck ist dy menschen mit seinen poeszen einfluss wirt neigen zu vil fal
- F029-001,21 scheid vnd vntreü dy ein mensch gegen den anderen erzeigen wirt . Auch zu vil neid vnd has dy menschen neigen wirt . Daraus vil widerwertigkeit vnd moerderey ersten mügen . Ven so der Mars disz iarsz vil poeszer aspect wirt haben mit saterno vnd mercurio vorausz in seiner erhoeung den steinbock als in dem Aprillen mit saterno auch in dem heumon vnd weinmon vnd off mit mercurio der dan mit einen poeszen auch ein boeszer pla
- F029-001,22 net ist Wirt er schedlich sein den kriegsleüten Als den rit
- F029-001,23 teren vnd soeldnern Auch allen den die mit feür arbeitten od
- F029-001,24 er waffen machen . Das vj . Capitel von künigen vnd fürsten Sunn ein beweglicher planet ist nit lang in einen zeichen beleiben sunder in einen iar alle zeichen durch laufft dardurch er nit einer natur ist sunder albeg ein anderen einfluss hat in einen ydem zeichen darumb miszfellich ze sagen ist von seinen ynfluss Ven so er ein guter planet ist . ist er die menschen nit vil neygen zu vil boesem Neür als vil er vermüschet ist mit den poeszen planeten So er aber disz iarsz in den mertzen pey sa
- F029-001,25 turno in seiner erhoeung dem zeichen dess widers wirt sein , Darnach in seinen vall . der wag in den weinmon auch einen poeszen aspect mit saterno wirt haben Mag er dadurch sched
- F029-001,26 lich werden etlichen fürsten vnd herren in etlichen toetlich krank
- F029-001,27 heit zu fügen vorausz den die vrsach darzu haben ausz yrer ge
- F029-001,28 burt des dan auch ein guter Astrologus wissen mag ausz der direction vnd perfection der geburt so sy einen bekant ist . Das . vij . Capitel Von frawen vnd spilleüten Venus ein gütiger planet diss iar nit vil poeser aspect ha
- F029-001,29 ben wirt yn den zeichen daryn sy starck ist Darum die frawen vnd all spilleüt disz iar glückselig

genügsam werden dan auf den herbst in den wintermon einen boesen aspect mit saterno wirt haben jn yrem haüsz der wag dadurch sy dan etlichen wider

F029-001,30 wertigkeit zu mag fügen . Das . viij Capitel Von gelerten vnd künstreichen Mercurius ein guter planet pey guten vnd ein poeser pey poesen Ven wie wol das ist das er dysz iar vil poeser aspect wirt haben mit saturno vnd marte dardurch er dan sched

F029-001,31 lich moecht sein den kinderen . studenten vnd allen den die mit subti

F029-001,32 ler kunste vmb gen So hat er doch keinen poesen aspect inn einen zeichen darinnen er starck were darumb solch ob gemel

F029-002,01 ten diss iarsz gelücselig genugsam werden sein Dan in den Augstmon er pey der sunnen verbrenndt wirt sein in seinen hausz der Junckfrauen dardurch er etlichen ob gemelten schedlich moecht sein . Das . ix . Capitel Von schifleüten vnd poten Monne ein beweglich planet ist Disz iarsz off in seinen haus dem krebsz ein boesen aspect wirt haben Dadurch er dann schedlich wirt sein den schifleüten Ven allen den die vil mit wasser vm gend Auch den poten über landt . Das . x . Capitel Von den Früchten der erden Dysz iar die frucht fruchtbar genugsam werden sein / dan wo etlich frucht im schossen oder geplüe werden sein von Sant Bonifacij tag pysz schier auff sant Johannis tag do dann vngewonliche kelte wirt sein dadurch soelch frucht im schos

F029-002,02 sen oder plüen gehindert werden vnd an etlichen enden scha

F029-002,03 den nemen Auch ein teyl wo etlich frucht in dem schossen würden sein nach Ambrosij pysz auff thiburcij Auch ein teyl pysz für sant Joergen tag darynnen auch ein teil kelte erschein wirt dadurch die frucht gehindert moechten werden . darausz teüerung ersten mag Auch so sagent gemeiniglich die astro

F029-002,04 logi Wen der Saturnus vnd Jupiter synd in feürigen zeichen Als sy dysz iar sein so machen sy teüerung gemeiniglich . dz sol man versten das gemeiniglich etlich frucht teür wer

F029-002,05 den Wiewol sy genugsam gewagssen sein das mag auch dysz iar geschehen Aber insunderheit von den Früchten zu sagen gar miszfellig ist vnd wo das nit also geschicht wirt da

F029-002,06 durch dy kunst auch der astrologus veracht So das mer goetlich wer alle dinck ze wissen dan menschlich Darumb man sych an dysem lasz genügen . Das . xj . Capitel Von kranckheit vnd toetlicheyt Jn dysem iar nit vil synd zu vil kranckheit oder toetligkeit . Dan Jupiter ein bedeüter der feüchtigkeit des plutzs Jn den Scorpio pey steren der natur martis Dadurch dan das plut der menschen verbrennt wirt Dauon die kranckheit kunpt die ytzund in den landen vmb gat die do genannt wirdt Mala francosz das synd grosse wertzen an den menschen / Auch Mars wirt sein in dem steinpock offt pey etlichen steren widerwertiger nature das ist saturni vnd veneris in dem schwantz des schützen dopey er etlich kranckheit vnd toetlicheit mag machen vorausz in den landen die dem zeichen steyn

F029-002,07 pock vnterworffen synd Als mügen sein fruchpere landt Ven wo poeszer waicher lufft ist Auch in dem hornung pey dem Jupiter wirt sein vnd darnach pald auch pey etlichen steren widerwertiger natur Dadurch er auch an etlichen en

F029-002,08 den die in der hoech auff den pergen ligent toetlichkeit mag machen . Das xij . Capitel von krieg vnd frid der menschen . Von dem krieg zu sagen miszfellig ist Wan solche neigung des himels durch dy vernufft der menschen vnterstanden mag werden So aber in disem iar der Mars gar lang in einen zei

F029-002,09 chen beleiben ist Darynnen er vil poeszer aspect wirt haben mit Saterno vnd Mercurio dauon vor gesagt ist wirt er die menschen neigen zu widerwertigkeit Darausz dan krieg er

F029-002,10 sten mügen Doch haben ytz die Fürsten gemeincklich vil guter vernüfftiger reth dy Doctores dye mit yrer vernufft raten zu frid wider die neigung desz himels den sy herschen müg

F029-002,11 en durch yre vernufft das krieg offt vnterstanden werden Auch wendten dy krieg die erschreckenliche geschos der püchs

F029-002,12 sen . Darvor sych Fürsten vnd herren fürchten Wan dafür nymant kein were oder aufenthaltung mag haben . Der ander teil saget von verwandlung des lufftes . in den vier qenliteten Das ist hytz kelte Feücht und Trucke ytz gegen seiner zeit zu schetzen nach dem Neümon . Vollmon . vnd der vierteil mit erlichen tagen zu seen den samen Darausz man dan wol haben mag die schikligkeit dess . Lentzen . Summers Herbsts vnd Winters wie ydes witteren sol in seiner natur . Jener Neü An .s. Barbara tag . xj . stund . viij . em . nach mitag Dy zeit nit fast kalt wirt sein gegen der zeit ze schetzen Sün

F029-002,13 der nur was die zeit geben ist Ven etlich tag feücht Als den montag frisch feücht vnd windig Auch vmb den mitwoch vnd pfintztag frisch vnd ein teil feücht vnd windig Desgeleichen vmb den suntag Das vierteil an sant lucie tag vm iij . gegen morgens Ditz vierteil auch etzlich frisch tage vnd feücht wirt haben vnd sunst gegen der zeit nit ze kalt Als den erichtag frisch feücht vnd wintig . Auch den mitwoch oder pfintztag ein teil desgleichen den suntag . vnd den montag frisch feücht vnd windig wirt sein . Volmon des Jeners An sant thomas abendt vm .viij .ix .em vor mittag Dyse zeit ein teil kelter wirt geschetzt gegen der vorderen zeyt Vorausz vm den anfang vnd darzu feücht vnd windig . vnd das end ein teil wermer doch ein teil feücht vnd windig . Vierteil an sant steffans tag ümb .x. nach mittag . Dysz vyrteil auch frisch genug sein vnd etlich tage feucht mit windt vermischet Als vm den montag frisch feücht vnd wyn

F029-002,14 dig Auch den mitwoch vnd pfintztag ein teile Auch den mon

F029-002,15 tag nach dem neüen iar kalt vnd ein teyl feucht wirt sein HornungNewmond . Eritag nach dem

newen iar .v. stund xxx . em nach mit Dise zeit kalt genugsam wirt sein vnd etlich tag feucht als vm den mitwoch Desgleichen den sampstag suntag eyn teil Auch den montag vnd eritag kalt feucht vnd windig Vierteil mitwoch nach den oebersten vm .ix. na . mitag Dysz vierteil auch kalt genugsam wirt sein vorausz der an

F029-002,16 fang vnd darzü offt feucht vnd windig vnd das end ein teyl wermer wirt sein gegen der vordern zeit ze schetzen Auch vm den montag ein teil feucht vnd windig . Volmon des hornungs Mitwoch nach anthonij .vj stund .xl. minuten nach mittage Ven wirt sein ein gantze vinsternusz des mons Wirt nit fast kalt sein nür was die zeit gibt vnd etlich feuch

F029-002,17 te wintig tag Als den freytag feucht vnd wintig Sanpstag sun

F029-002,18 tag frisch vnd ein teyl feucht auff dz minst gewülket Den mon

F029-002,19 tag frisch feucht vnd wintig sein wirt Vierteil an sant pauls bekerung vm .xij pey tag Wirt nit fast kalt gegen der zeit ze schetzen dan offt feucht vnd wintig Als den mittwoch frisch feucht vnd wintig Deszge

F029-002,20 leichen den freytag Sanpstag ein teyl frisch feucht vnd windig Suntag ein teil feucht Vem den eritag frisch vnd ein teil feucht vnd windig Mertz Neümon Am Liechtmesztag vm xij . xxx minut pey tag Wirt nit fast kalt sein nür was die zeit gibt Etliche tage feucht Als den freytag feucht windig Vem den sampstag oder suntag ein teyl Desgleichen den montag ein teil feucht vnd win

F029-002,21 dig Den eritag vnd pfintztag frisch feucht vnd windig Vierteyl Freytag nach fastnacht vm .j. nach mittag Das vierteil wirt frischer gegen den vorderen ze schetzen Etlich tag feucht Als den suntag montag vnd eritag kalt vnd ein teyl feucht vnd windig Volmon des Merten Freytag nach den weissen suntag vm .iiij. xxiiij . em gegen morgen Wirt kalt geschetzt gegen der zeyt vnd offt feucht mit windt Als den freytag kalt feucht vnd windig Desgleichen den sun

F029-002,22 tag vnd montag kalt feucht vnd windig vnd den erichtag oder mitwoch ein teil feucht vnd windig Vierteil an sant matheis tag vm .iiij. gegen morges Auch kalt sein wirt vm den anfang vnd das end wermer vnd etlich feucht tag Als den freitag vnd suntag frisch feucht vnd wintig Ven den eritag ein teil feucht vnd windig AprillNewmon Sampstag vor Letare vm .vj. xxxij em vor mittag Wirt nit fast kalt nür was dy zeit gibt vnd etlich feuchte tag Als vm den sampstag vnd erichtag frisch feucht vnd wintig Auch den Freytag ein teil feucht Wirt sein Freitag sampstag seen gut Vierteyl Sanpstag vor Gregorij vm .xj. pey nacht Wirt nit fast kalt sein nür etlich frisch morgen haben wirt . vnd etlich feucht tag Als vm den sampstag feucht vnd windig Suntag frisch vnd ain teil feucht Auch vm den mitwoch vnd pfintztag frisch vnd ein teil feucht wirdt sein Montag pfintztag freitag seen gut Volmon des Aprilsz Sanppang vor den palmtag . j . stundt . xlix . em nach mittag Wirt nit fast kalt sein nür was die tzeit gibt doch der anfang ein teil frisch feucht vnd windig Vnd das end wermer Pfintztag freytag sampstag Seen gut Vierteil Am Osterabent vm .vj. nach mittag . Wirt nit fast kalt sein vnd etlich feucht tag Als vm den sam

F029-002,23 stag vnd montag ein teil feucht vnd wintig Auch den mitwoch vnd freitag ein teyl feucht vnd wintig Pfintztag freytag sampstag Seen gut MayNeümon Suntag nach den Osteren .v. stund .xxv. em nach mittag Wirt ein teyl frisch morgen haben vnd etlich tag feucht als den montag feucht Erichtag frisch feucht vnd wintig Pfintz

F029-002,24 tag ein teil feucht Pfintztag freytag sampstag seen gut Vierteil montag vor thiburcij vm .viii. vor mitag Wirt ein teil frisch vnd feucht Vorausz den montag frisch vnd ein teil feucht Eritag feucht auch windig . Den pfintztag vnd sampstag frisch feucht vnd windig wirt sein Pfintztag freytag sampstag Seen gut . Volmon des May Suntag nach Tiburcij .xj. xxvij . em nach mittag . Wirt ein teil frisch gegen der zeit vnd etlich feuchten . vm montag eritag frisch feucht vnd windig desgleichen den pfintztag vnd den suntag frisch vnd ein teil feucht vnd windig Mitwoch Pfintztag Freytag Sampstag Seen gut . Vierteil An sant Joergen tag vm eins nach mittag . Dysz vierteil auch ein teil frisch Wirt sein gegen der zeit zu

F029-002,25 gleichen Vorausz gegen morges vnd etlich feucht tag . Als vm den eritag vnd mitwoch ein teil frisch feucht vnd wintig Desgleichen vnd den freitag vnd sampstag oder suntag ein teil feucht vnd windig wirt sein . Mitwoch Pfintztag Freitag Sampstag Seen gut . Der ander MayNeümon Eritag nach philippi vm .xj. xxxvij . em in mittag Dise zeit warm geschetzt wirt gegen der vorderen zeit doch et

F029-002,26 lich frisch morgen wirt haben vnd feucht Als vnd den mitwoch ein teil frisch feucht vnd windig . Desgleichen freitag ein teil feucht vnd den sampstag vnd suntag frisch feucht vnd wintig wirdet sein Pfintztag Freitag Sampstag Seen gut . Vierteil Eritag vor pfingsten vm .xij. pey tag Disz vierteil warm wirt sein vnd etlich feucht tag Als denn eritag feucht Desgleichen vm den pfintztag oder freitag vnd vm den suntag feucht vnd wintig . Mitwoch pfintz

F029-002,27 tag freitag sampstag seen gut Volmon des anderen may Eritag in pfingsten vm ix . xlvj . minut vor mittag Dyse zeit auch warm wirt sein vnd etlich feucht tag . Als den eritag an etlichen enden feucht Sanpstag feucht vnd win

F029-002,28 tig Auch den Suntag ein teil Ven erichtag feucht vnd windig Pfintztag Freitag Sanpstag Seen gut Vierteil mitwoch vor vrbani vm .vj. zu morges . Disz viertel auch warm wirt sein doch etliche frische tage wirt haben gegen der zeit ze schetzen Als den mitwoch frisch vnd ein teil feucht Auch den sampstag suntag ein teil montag vnd erichtag frisch feucht vnd windig An etlichen enden zu wei

F029-002,29 teren geneigt Mitwoch freitag sampstag Seen gut . Brachmon Neü . Mitwoch vor bonifacij .x. stund .viii. em nach mittag . Dise zeit frisch geschetzt wirt gegen der zeit vnd etliche feuchte tag Als vm den anfang ejen teil frisch feucht vnd windig auch vm den erichtag ein teil feucht vnd windig wirt sein Mitwoch Pfintztag Freitag Sampstag

Seen gut Vierteil Mitwoch nach bonifacij vm .iiij. nach mittag Disz vierteil frisch wirt sein gegen der zeit ze schetzen vnd etliche tag feücht Als den mitwoch frisch feucht vnd windig . Ven vm den freitag oder sampstag feucht vnd vmb den montag frisch feücht vnd wintig Mitwoch pfintztag freitag montag vnd erichtag Seen gut . Volmon des Brachmonds Mitwoch vor Viti .ix. stund xx . minut nach mittag . Dyse zeit auch ein teil frisch vnd etlich tag feucht vnd wintig . Als vm den anfang vnd vm den freitag oder sampstag an etz

F029-002,30 lichen enden zu weteren geneigt Auch vmb den mitwoch ein teyl feucht . Mitwoch freitag Eritag vnd mitwoch Seen gut Vierteil Pfintztag vor iohenis vmb .xj. pey nacht . Disz vierteil etlich frisch tag wirt haben gegen der zeit ze schetzen vnd feucht Als vmb den pfintztag vnd freitag feucht vnd win

F029-002,31 dig Vnd an etlichen enden zu weteren geneigt Den sanpstag frisch feücht vnd windig Auch vm das endt feucht vnd windig . Pfintztag Freitag Erichitag mitwoch Seen gut . Heümon Neü Freitag nach sandt peters tag vm .vj. xlix .mi. vor mittag Die zeit warm geschetzt wirt gegen der vorigen vnd etliche tag feücht Als vm den suntag montag feücht windig Montag mitwoch pfintztag Seen gut Vierteil pfintztag nach vdalrici vmb .ix. nach mittag Des viertel etlich frisch vnd feücht tag wirdt haben vnd die anderen nach gelegenheit der zeit Als freitag vnd suntag frisch feucht vnd wintig Auch den samsttag ain teil Den pfintztag frisch feücht vnd wintig In etlichen enden zu weteren geneigt Montag erichitag mitwoch oder pfintztag seen gut Volmon des Heümonds Freitag nach margarethe vm x . xxxij . em vor mittag Wirdt warm sein vnd etlich feücht tag Als vm den suntag vnd montag feucht vnd wintig Desgleichen vmb den pfintztag vnd freitag feucht vnd windig wirdt sein Montag erichitag mitwoch pfintztag freitag seen gut Vierteil Am tag magdalene vm . ij . nach mittag Wirt auch warm vnd ein teil feücht Als vm den sampstag montag vnd auch den freitag ein teil feücht vnd windig . Augustmon Neü Sanstag nach Jacobi .ij. stund xxxv . em nach mittag Ven vinsternusz der sunnen ein viertheil voren an ersten gesagt Daryn wirt es warm sein vnd etlich tag feucht Als vm den sampstag vnd suntag ein teil feücht Vem den pfintztag feücht Vierteil Sanpstag vor Sixti vm .v. ze morgen Wirt ein teil frisch sein gegen der vorigen zeit Etlich tage feücht vnd wintig Als vm den sanpstag vnd suntag feücht vnd windig An etlichen enden zu weteren geneigt Vem den pfintztag vnd frey

F029-002,32 tag ein teil feücht Vollmon des Augstmonds Suntag nach Laurentij vm eins .xxxv. em gegen den morgen . Wirt waren sein Vem den suntag oder montag ein teil feüchte vnd wintig Auch vm den mitwoch feücht vnd windig Vierteil montag vor bartholomei vm .iiij. ze morgen Wirt waren sein Das end ein teyl frischer Etlich tag feücht Als vm den montag feücht windig Vem den pfintztag samp

F029-003,01 stag vnd suntag ein teil feücht . Montag erichitag mitwoch seen gut Herbstmon Neu . Suntag nach bartholomei .x. stund xxj . minut nach mitag Wirt frisch sein gegen der vorigen Etlich tag feücht Vem den montag frisch vnd feücht Auch vmb den mitwoch vnd samp

F029-003,02 stag ein teil frisch vnd feücht Montag eritag mitwoch sampstag seen gut Vierteil suntag na .egidi vmb .v. nach Wirt kalt geschetzt Vorausz vmb den anfang Etlich tag feücht vnd windig Als vmb den montag ein teil Darnach am mitwoch vnd freitag kalt feücht vnd windig Eritag mitwoch seen gut Volmon des herbsts Montag nach vnser frauen tag .vj. stund xiiij mi . nach mit Wirt frisch sein Etlich tag feucht Als vm den pfintztag vnd freitag ein teil kalt vnd feücht Den sanpstag vnd montag feücht windig Montag eritag mitwoch vnd montag seen gut . Vierteil Erichitag vor mathey vmb .iii. nach mittag Wirt etlich frisch vnd feücht tag haben Als den mitwoch vnd pfintztag frisch vnd ein teil feücht Vmb den suntag montag frisch vnd ein teil feücht vnd windig Eritag mitwoch seen gut Weinmon Neü Eritag vor michaeler vmb .vij. vor mittag Wirt nit kalt sein wie dy vorder nür was der herbst gibt Et

F029-003,03 lich tag feücht als vmb den anfang ein teil feucht vnd windig Vem den freitag vnd sampstag ein teil feücht Vierteil eritag nach remigij vm .viij. vor mittag Wirt nit kalt nür was zeit gibt dan etlich morgen frisch vnd feücht vm den eritag frisch vnd feücht Mitwoch feücht win

F029-003,04 tig sampstag frisch feucht windig Vol weinmond Mitwoch vor galli vm .xj. xxxvj minut pey tag Nit ze kalt nür der zeit nach . etlich tag feücht als vm den an

F029-003,05 fang feücht windig Dz end vrsach zu feücht . Als dz keiner kan wissen ein tag für den anderen Vierteil pfintztag nach Galli vmb .iiij. gegen morgen Ein teil frisch weder dz vorig et

F029-003,06 lich tag feücht Freitag suntag montag frisch feücht windig Wintermon Neü . Mitwoch vor symonis vnd in de .v. stund xv minut na mitta Dyse zeit frisch vnd etlich tag feucht Als vmb den mitwoch vnd pfintztag frisch vnd feücht Auch sanpstag erichitag oder mit

F029-003,07 woch frisch feücht vnd windig sein wirt Vierteil An allseltag vmb .iiij. gegen morgens Disz viertel frisch vnd etlich tag feücht Als vmb den suntag erichitag frisch feücht vnd windig wirt sein Volmon des Wintermons Freitag vor martini vmb .iiij. xxxv minut gegen morgens Dysz zeit nit vast kalt wirt nur was die zeit gibt / etliche tag feücht Als vmb den freitag vnd sampstag ein teil feücht vnd windig Deszgleichen vmb den montag feücht vnd windig Vierteil Freitag vor Elizabeth vmb . x . vor mittag Wart nit ze kalt nür was dy zeit gibt etlich tag feücht Vem den freitag feücht vnd wintig Auch vm den suntag oder montag ein teil feücht Christmon Neü Freitag vor katherine vmb .v. xxxvj .em vor mittag Wirt nit ze kalt dan was dy zeit gibt Etlich tag feucht als vm den anfang etlich tag feücht vnd wintig Vem den pfintztage frisch feücht vnd wintig Vierteil freitag nach Andree vm . xj . nach mitag Wirt ein teil kelter sein dan dy uorigen . etlich tag feücht als vm den sanpstag feücht vnd windig Montag ein teil feücht . vm dz end frisch feücht vnd windig Volmon des Cristmonds Suntag nach Nicolai viij . stund . iiij . em nach mittag Wirt

frisch sein vnd etlich feücht tag als vm den anfang frisch feücht vnd windig . vm den eritag vnd mitwoch frisch vnd ein teil feücht vnd windig . vrtel sanpstag na . lucie vm . v na . mit . Nicht besunder vrsach hat zu kelt nur was dy zeit gibt Et